

皇明通紀法傳全錄

皇明通紀法傳全錄卷之三

東莞 陳 建 著 武林 高汝栻 訂

雲間 吳 楨增刪 高 鼎煒 正

甲辰

元至正三十四年 宋龍鳳十年

正月李善長徐達等以 上功

德日隆屢表勸進不允乃率諸臣奉 上即吳王位建

百司官屬以李善長為左相國徐達為右相國常遇春

俞通海為平章政事汪廣洋為右司郎中張瑄為左司

都事諭善長等曰卿等為生民計推戴予然建國之初

當先正紀綱元氏昏亂紀綱不立主荒臣專威福下移

由是法度不行人心渙散遂致天下騷亂今將相大臣

建國先正  
紀綱是正  
一替得正  
要領

劉

陳理降僭漢平

以我兵力  
豈不能一  
鼓成擒者  
豈欲降者  
既欲服其  
心也況久  
出在外  
與之處良

當鑒其失宜協心爲治以成功業毋苟且因循取克位而已也

二月上以武昌圍久不下乃親往視師督兵攻城陳理僞太尉張定邊見事急遣卒夜由觀音閣縋城去岳州告丞相張必先使入援必先兵至軍于洪山上命常遇春率精銳乘其未集而擊之敵大敗遂擒必先必先驍勇善戰人號爲潑張城中倚以爲重縛至城下示之曰汝所恃者潑張今已爲我擒尚何恃而不降乎必先亦呼定邊曰吾已至此事不濟矣兄宜速降爲善定邊氣索不能言武昌城東有高冠山下瞰城中上問

源第英雄  
傷取之術  
不欲以机  
事告人耳

機德以生  
靈為念聖  
主

諸將誰能奪此傳友德請行率數百人一鼓奪之城  
中益氣索後數日 上遣舊臣羅復仁入城諭陳理及定  
邊等曰理若來降當不失富貴復仁因請曰主上推好  
生之仁惠此一方使陳氏孤得保首領臣不食言臣雖  
死無憾 上曰吾兵力非不足所以久駐此者欲待其  
自歸免傷生靈耳汝行必不悞女復仁至城下號哭理  
驚召之入復相持痛哭哭止問故復仁諭以上言詞旨  
懇切理遂銜璧肉祖率定邊詣軍門降理至俯伏戰慄  
不敢仰視 上見其幼弱起挈其手曰吾不爾罪勿自  
惧也命宦者入其官傳命諭友諒父母凡府庫儲蓄令

理悉自取之。遺其文武官僚，以次出門。妻子裝資，皆俾自隨。凡六閱月，而城下不殺一人。城市晏然，召其父老，撫慰之。民大悅。于是漢沔、利岳等郡皆心附，封理爲歸德侯。

友德，李高冠山，面中一矢。友德不爲動，人服其勇。中後中一矢。友德不爲動，人服其勇。

僞漢陳同簽，驍捷善禦，馳入中軍帳下。上方坐胡床，疾呼曰：「郭四爲我殺賊郭四者，郭英也。」持鎗躍馬奮臂，一呼，賊應手殞墜。○江西行省以陳友諒鏤金床進，上觀之，謂侍臣曰：「此與孟昶七寶溺器何異？」以一床工巧若此，其餘可知。陳氏父子窮奢極侈，安得不亡？卽命

定官制

帝王言論  
與儒者相  
越自遠

毀之。○定官制。改各翼元帥府及樞密分院俱爲各衛指揮使司。○以劉基爲太史令。僞漢平。上與基密謀取張士誠及平定南北次第。上時至基所。屏人語。移時乃去。雖至親密莫知之。○句容儒士戎簡入見。上語及陳氏事。簡曰。主上向敗陳氏于鄱陽。其衆旣潰。何不乘勝直抵武昌。而乃引還。今雖克之。費力多矣。上曰。汝儒者。豈不聞覆巢之下。無完卵乎。況事有緩急。兵貴權宜。陳氏兵敗。我豈不知乘勝以蹴之。兵法曰。窮寇莫追。若乘勝急追。彼必死鬪。殺傷必多。吾故縱之。遣師綴其後。恐有奔逸。料彼創殘之余。人各偷生。喘息不下。

大黃王言

勉武臣親

儒者足見

太祖異于  
類馬之主

豈復攻戰以大軍臨之故全城降服一則我師不傷二則生靈獲全三則保全智勇所得不既多乎簡大悅服他日上與諸將論兵論之曰汝等非不善戰然臨陣決機智或不足宜親近儒者取古人書聽其謀論以資智識前日戎簡所言吾雖非之當時將校亦有勸我邀之下流而以全師蹙之武昌賊衆可以盡獲軍中以爲奇謀不知簡能言之然非吾意也汝等當思勿以吾不用簡言而遂輕儒者

吳植以上于武昌始以偏師緩其後然後而駕征之且戒諸將勿輕與戰而從信錄謂師圍六月而歸何不知皇祖之心乎而陳于考實矣今特詳書以正之

聖德之縣  
 負于崇巖  
 屏騎又何  
 遠也

高皇帝



激服人心

討熊天瑞

六人列進封贈勲爵有差以韓成爲首功追封高陽郡侯建祠于康郎山設像其中成位第一命有司歲時祭之錄成子觀爲散騎舍人復命建忠臣祠于南昌以祀平章趙德勝知府葉琛千戶張子明等歿事之臣凡十有四人○時僞漢將熊天瑞尚竊據贛州未下上以手書諭鄧愈曰熊天瑞龍鳳八年已請降受賞賜今背違初言輕授地方理宜討罪安靖人民以愈總兵往討旣而復命常遇春總兵陸仲亨爲副愈與遇春等合兵平臨江之沙坑麻嶺十洞牛陂山寨遂進攻贛州圍之○秋七月上命徐達等率師廬州左君弼懼不敢遁

梁州

取荆州長

追封侯  
諸將

入安豐令其將張渙等城守渙君弼之驍將也人以其多智計號樓見張廬州被圍久衆皆不能戰渙與賈丑潛通于達請攻東門已爲內應于是我師急攻之諸軍悉救東門渙乃斷釣橋開西門出降達兵入執其部將吳副使左君弼等送建康以指揮戴德守之

九月命徐達楊璟等帥師取江陵次于沙市姜珪等以城降改江陵爲荊州府達遣唐勝宗分兵取長沙下沅陵醴陵傳友德取夷陵○上痛念起兵以來諸將臣死事者多追封胡大海越國公趙德勝梁國公張德勝蔡國公耿再成高陽郡公俞廷玉河間郡公桑世傑永義

設起居注

官得其人

陸平樂城  
重取

侯花雲東丘郡侯又封張子明爲忠節侯念廖永安陷  
于張士誠守義不屈遷授淮南行省平章趙國公○設  
起居注二員以朱濂魏觀爲之日侍左右記言動○張  
士誠遣其弟僞丞相士信寇長興守將耿炳文費聚敗  
之獲其元帥宋興祖士信憤怒益兵圍城湯和自常州  
來援與炳文等合兵擊敗之士信走還自是士誠奪氣  
不敢復圖長興炳文守長興凡十年孤城血戰卒保無  
虞○命常遇春等圍贛州未下上命中書右司郎中  
汪廣洋往叅謀遇春軍事諭之曰汝至贛州城未下可  
與遇春等言熊天瑞困處孤城猶籠禽阱獸豈能逃逸○

惟聖王養

養于安民

亦惟安民

乃可成王

業

見得到不

害殺人者

能一之

鄴州降始

則勸斷既

則復楊座

成偏德聖

但恐破城之日殺傷過多要當以保全生民爲心一則  
可爲國家用二則可爲未附勸且如漢將鄧禹不妄誅  
殺得享高爵子孫昌盛此可爲法向者鄧陽湖之戰陳  
友諒既敗生降其兵至今爲我用縱有逃歸者亦我之  
民我前克湖廣禁軍士毋入城故能全一郡之民苟得  
郡無民何益廣洋至額見遇春傳上命時天瑞拒守  
益堅遇春乃浚濠立柵以圍之

時永新尹堅脩幹多力乘高飛  
巨石中遇春額天瑞悉力拒宋

乙巳元正十五年正月遇春圍鄴日久以上命  
宋龍鳳十一年勿殺故因服之天瑞子元震竊出覘兵勢遇春亦從數

教無窮

贛州之役

上干廣

洋有論干

仁將有喪

可謂誤干

保民

騎出猝與相遇元震來襲遇春遣將士揮刀擊之元震奮鐵槌以拒且鬪且却遇春日壯男子也舍之至是天瑞援絕糧盡遣元震出降天瑞尋亦肉袒詣軍門盡獻其地遇春送天瑞至建康上喜甚遣使褒諭之曰予聞仁者之師無敵非仁者之將不能也今將軍破敵不殺是天賜將軍以隆我國家千載相遇非偶然也捷書至予甚為將軍喜雖曹彬之下江南何以加之將軍能廣宣威德保全生靈予深有賴焉

天瑞既降尹堅隨不敢見欲自殺遇春召見慰撫之曰予當如是乃還朝薦之上命武力四輩與角力皆不及以為直哉將軍贛州既降不殺戮一人予是南安南雄韶州諸郡皆降天瑞慷慨常加饋飲

民財及其既降有司仍徵舊額上曰此豈可爲額也命罷之元震姓田氏爲天瑞養子善戰有名遇春喜其勇薦爲指揮

大都督朱文正有罪免官安置桐城文正高皇帝兄南昌王子也少孤帝撫之愛如己子既長涉獵傳記勇敢有才畧然深狡強戾人莫敢觸帝嘗與語曰汝欲何官文正卽曰爵賞不先衆人而急私親無以服衆且叔父旣成大業姪何憂不富貴帝善其言益愛之使守江西遂驕淫暴橫奪民婦女所用床榻僭以龍鳳爲飾又恐帝不先封已前所對者皆詭辭帝遣人責之文正慙懼謀叛降張士誠江西按察使李飲水奏

之。帝曰：此子不才如此，非吾自行，無以定之。卽日往南昌，艤舟城下，遣人詔之。文正不意帝遽至，倉卒出迎。帝泣謂曰：汝何爲若是？遂載與同歸。至建康，羣臣交章劾之，請寘干法。帝曰：文正固有罪，然吾兄止有是干，若寘之法，則傷恩矣。乃免文正官，安置桐城，召其子鐵柱，語之曰：爾父不率吾教，恣肆兇惡，以貽吾憂。爾他日長成，吾封爾爵，不以爾父廢也。爾宜修德勵行，益前人之愆，則不負吾望矣。文正卒。帝封鐵柱爲靖江王，改名守謙。

二月，張士誠寇我諸全之新城、嚴州。先是，上以謝再

興守諸全、李慶庚、總制諸全、軍馬、再興、以慶庚處已上、  
忿忿不樂、遂叛、殺知州樂鳳、鳳妻王氏、以身蔽鳳、并殺  
之、執慶庚、奔紹興、降于張士誠、至是、士誠集兵二十萬、  
遣其將李伯昇、挾我叛將謝再興、寇新城、部陳延亘十  
餘里、軍容甚盛、守將胡德濟、堅壁拒守、遣使求援于李  
文忠、文忠卽率兵由嚴陵、馳赴援之、未至新城十里、白  
龍潭、據險立營、德濟遣人間道詣文忠、曰、衆寡不敵、姑  
宜避之、以俟大軍之至、文忠曰、以衆論之、則我非彼敵、  
以謀論之、則彼非我敵、且八千之謝、玄破八十萬之符、  
堅甌、非衆乎、若未戰而退、則彼勢益熾、雖大軍至、亦難



特激之利  
誘之

有天下生  
者故生輕

也

爲功矣。莫若與戰。灰中求生。正在今日。何避之有。遂下  
令曰。彼衆而驕。我少而銳。以銳當驕。可一戰而擒。擒彼  
之後。輜重皆汝等有也。次日有白氣覆我車上。或曰。此  
勝敵之兆也。詰旦會戰。文忠集諸將仰天誓曰。朝廷大  
事。在此一舉。豈敢愛生。以後三軍。卽橫槊據鞍。引數十  
騎。乘高馳下。直出陣後。衝其中堅。敵列騎迎戰。文忠格  
殺數人。所向皆靡。敵中軍梟將周遇等。與謝再興及苗  
軍見之。震懼失色。遂潰亂。自相蹂躪。德濟亦帥城中將  
士鼓譟而出。呼聲動天地。莫不以一當百。斬首數萬級。  
血流膏野。溪水盡赤。遣指揮朱亮祖等追擊餘寇。燔其

管落俘僞同僉韓謙元帥周遇蕭山等六百餘人軍士三千委素輜重鎧仗彌亘山丘舉之數日不盡其僞五太子僅以身免張士誠自此氣奪勢衰

捷報上召文忠德濟赴京賜以名馬御衣既見謂羣臣曰我朝豈爲無人如德濟實豪傑特陞右丞後德濟從徐達征莊浪失利部下千百戶皆誅械德濟至京上曰德濟雖可誅然守信州救諸暨守新城皆有功特赦之

時江西湖廣皆平乃謀取張士誠先是士誠謀主惟弟士德及部將左丞史椿後士德被擒椿被讒出守淮安椿見士誠不是做事業人遣使奉書欲來歸事泄士誠殺之委政於弟士信士信惟務酒色用王敬夫葉德新

蔡彥夫三人謀國皆諂佞小人。上聞之曰：我諸事無

不經心，尚且被人瞞我。張九四士誠行終歲不出門理

政事，豈有不著人瞞者乎？且士德、史椿皆死，惟恃弟士

信行事。吾立見其敗矣。時有市諺十七字曰：丞相做事

業，專用王蔡葉。一朝西風起，乾別。○時兩淮州縣多爲

張士誠所據。上欲先取之，乃親閱試將士，命鎮撫居

明，率軍士分隊習戰。勝者賞銀十兩，其傷而不退者亦

勇敢士，賞銀有差。且偏給酒饌勞之，仍賜傷者醫藥。因

諭之曰：刀不素持，必致血指；舟不素操，必致傾溺。弓馬

不素習，而欲攻戰，未有不敗者。吾故擇汝等練之。今汝

習而後練  
練而後戰

精而不有  
不克敵者

等勇健若此。臨敵何憂不克。爵賞富貴。惟有功者得之。顧謂起居注詹同日。兵不貴多而貴精。多而不精。徒累行陣。近聞軍中募兵。多有冗濫者。故特爲戒之。冀得精銳。庶幾有用也。

討陳有定

四月命處州總制叅軍胡深率指揮朱亮祖耿天壁等討陳有定。胡深進兵克浦城。遂與友定將阮德柔嬰城固守。我師次城下。時朱亮祖卽欲攻之。深視氛祲不利。謂祖亮曰。天時未協。將必有災。未可與戰。亮祖曰。叅軍何得以災爲解。師已至此。庸可緩乎。且天道玄遠。山澤之氣。變態無時。何足徵也。迫其進兵。深猶未可。適德柔

胡深上馬  
天意

胡深死難

受褒賜

屯錦江。逼深陣後。亮祖咎深督戰益急。深不獲已。遂引兵鼓噪而出。破其二門。德柔盡率精銳拒深軍。圍之數重。時日已暮。深知營壘未安。而兵圍未解。難以持久。突圍而出。德柔伏兵忽起。馬蹶被執。有定禮遇之。深具道天子仁聖。四海歸心。羣雄樂爲之用。援竇融歸漢故事。以感動之。定初無殺深之意。會元使者至。督迫之。遂遇害。先是日中有一黑子。劉基奏曰。東南失一大將。至是深果敗沒。深有文武才。守處州五年。威惠甚著。一方賴之。及死。上深痛惜。追贈縉雲郡伯。○常遇春帥吳復。傅友德等取襄陽。安陸。時元同僉任亮。擁衆柵守安陸。

有功保障

克淮安

吳復將先鋒自涉倍道徑趨安陸傅友德奮兵擊之身  
被九鎗亮兵大潰生擒之遇春表任亮壯毅可用上  
命釋之授指揮僉事立湖廣行省以鄭愈平章政事鎮  
之○湯和帥師擊江西劇盜姚大膽斬之取永新州戮  
僞左丞周安等仍命回守常州和守常州凡十年防禦  
周密寇來輒破走之與吳良守江陰耿炳文守長興氣  
勢聯絡屹爲東藩保障

十月命徐達常遇春等率馬步舟師並進規取淮安  
克淮安進攻泰州張士誠恐失泰州乃遣舟師薄淮安  
駐范蔡港以疑我師上知其意諭徐達曰寇兵初駐

聖義了終

取泰州

并下高郵

范蔡港吾庶其有詐今觀望猶豫不敢卽沂上流其爲詐益明然寇計不過欲分我勢非有決機乘戰之謀宜遣廖永忠還兵水寨禦之大軍勿輕動此寇徘徊江上自老之師乘其怠慢擊之必克泰州旣克其餘瓦解不戰自潰但宜謹備之

十月果克泰州徐達等旣克泰州虜張士誠將嚴再興等凡十四人騎卒五千傳送建康上命安置潭辰二州時天寒命人賜衣一襲婦女亦賜衣履鍼線布帛初衆自以爲拒命必不免及得賜又妻子完聚咸感悅拜呼萬歲而去自是高郵亦下

張士誠所據郡縣南至紹興與方國珍接壤北有通  
大高郵安徐宿濠泗又北至濟寧與山東相距上  
欲先取通太高郵誠剪其羽翼然後專取浙西亦易易也

置國子學于應天府設博士助教學正學錄典籍典書  
等官

學成上臨視之規製宏麗聖情怡悅行至廣業  
堂前偶發一言云天下有福見即應得居此迄今居  
此者往往占厯選躋位三台他堂不及也又諸堂中  
都無蜘蛛上來時見蛛網布星間曰我纔建堂尔  
輒像之耶顧呵出之語訖而蛛絕跡今國學在獲舟  
山之陽晉宋以來爲戰場積骸枕藉每天陰雨濕鬼  
輒出凌人往往至死乃創鷄鳴寺設醮以度終不息  
皇后言于上曰妾聞邪不勝正非孔子大聖人不  
能鎮之即日遷大成木主于此  
鬼遂滅因卽其地建國子監

丙午

元至正二十六年

正月

僞吳舟師數百艘出馬駙

三月

高皇帝

帝



沙沂大江浸鎮江江陰守將吳良吳禎嚴兵以待上  
親帥大軍水陸並進討之至鎮江寇已遁去追至巫子  
門寇乘潮逆拒首尾相失良等縱兵夾擊大破之獲士  
卒二千寇退上臨幸江陰見良等防禦有方謂曰汝  
非昔日之吳起乎稱歎久之良在江陰十年軍民安枕  
一境帖然上有事江漢大軍屢出東藩竟無擾皆良  
爲之捍蔽也○置兩淮都轉運鹽司

聖祖廟號羣雄而顛倒之所爲備者首飾漢次傷吳  
二國境壤相連使其謀通兵結亦大費征討聖祖  
如識其機欲剪漢之羽翼故遣耿炳文守長興吳良  
守江陰以蔽吳二臣者不孤所託數年吳人足跡不  
敢西向然後得以塞僞漢而截之是故吳者正所以  
滅漢也○漢既滅于馬併力向吳釜魚龍鳥何所假息

取興化

是咸漢者又所以滅吳也誠者謂吳不亡于諸將  
合圖之時而亡于二臣善守之計亦信然哉

初徵湖廣江西魚課李善長等言湖廣邊務兼課魚課  
若兼收江西等魚利歲可得穀一百萬石資給軍餉每  
歲差官按其欺隱悉從之于是河泊利大興軍食取給  
二月黃河北徙

先是河決小流口達下清河壞民居傷禾稼  
至是復北徙自東明曹溪下濟窮民皆被害

三月徐達等提師取興化上命達圖泰州興化海安  
通州高郵山川地形要害以進覽上見匏子角為興化  
要地寇兵所出之路令達以兵絕其隘達如旨進兵遂  
克興化

四月徐達等克高郵進攻淮安擣馬螺港拔其水寨獲戰艦千餘僞吳守將右丞梅思祖封府庫籍統兵出降詣門并獻所部四州。上嘉其知命得免生民于鋒鏑。授大都督府副使。○漳州自郭子興趙均用棄守後屢爲人竊據最後張士誠部將李濟據之。命李善長以書招之不報。上曰漳州吾家鄉今爲張氏固守是吾有國而無家可乎乃命韓政督顧時等攻之至濠攻其水濂月城又攻其西門城中拒守甚堅政乃督兵以雲梯砲石四面並攻城中不能支濟乃出降。上幸濠州省陵墓追念仁祖太后始葬時禮有未備議欲改

敦澹之誼  
蕭然今人  
博一科第  
便視祖  
陳者多矣

敬道子孫  
爲善悌悌

葬有言改葬恐泄山川靈氣乃不復啓葬但增土以培  
其封陵旁居民汪文劉英于上有舊召至慰撫令招致  
隣黨二十家以守陵墓命有司復其家○濠州父老經  
濟等來見上與之晏謂之曰吾與父老不相見久矣  
今還故鄉念父老鄉人遭罹兵難以來未遂生息吾甚  
憫焉濟等對曰久苦兵爭莫獲寧居今賴主上威德  
各得安息勞主上憂念上曰濠吾鄉父母墳墓所  
在豈得忘之與諸父老飲晏極歡上又曰諸父老皆  
吾故人豈不欲朝夕相見然吾不得久留此父老歸宜  
教道子孫爲善立心孝弟勤儉養生鄉有善人由家有

勸勉若一  
宋然所謂  
王者通天  
下爲一身  
也

賢父兄也。濟等頓首拜。帝又曰：鄉人耕作交易，且令無遠出濱淮諸部，尚有寇兵，恐爲人所抄掠。父老等亦宜厚自愛，以樂高年。于是濟等歡醉而去。

五月，韓政會徐達等進攻安豐，以兵扼其四門，晝夜攻之，不下。乃于城東龍壩潛穿其城，二十餘丈，城壞始破之。元將忻都、竹昌及左君弼皆出走，追奔四十餘里，獲忻都并君弼裨將賁元帥而還。竹昌、君弼皆走汴梁。旣而元將竹貞引兵來援，我師與戰，復破走之。○元徐州守將樞密同知陸聚見淮東西皆平，遂以所部徐宿二州來歸。上甚喜，謂其當我軍之未至，卽先以土地人

東書籍

兵革之際  
皇皇千聖  
賢之坐德  
器遠通焉  
上翁矣

如此環論  
卓冠千古  
可為萬世  
之法通經  
從信俱不  
戰何也

民來歸深嘉之命為江淮行省參政仍守徐州○命有  
司訪求古今書籍藏之秘府以資覽閱上因謂侍臣  
唐同等曰三王五帝之書不盡傳于世故後世鮮知其  
行事漢武帝購求遺書而六經始出唐虞三代之治世  
始可得而見武帝雄才大畧後世罕及至表章六經開  
闢聖賢之學又有功于後世吾每于宮中無事輒取孔  
子之言觀之如節用而愛人使民以時真治國之良規  
孔子之言誠萬世之師也○命博士許存仁進講經史  
存仁講尚書洪範篇至休徵咎徵之應上曰天道微  
妙難知人事感通易見天人一理必以相應稽之往昔

君能修治則七政順度兩暘應期灾害不生不能修德則三辰失行早潦不時乖異迭見其應如響箕子以是告武王爲君人者之警戒今宜體此下修人事上合天道然豈特爲人上當勉之爲人臣者亦宜修省以輔其君上下交修斯爲格天之本○僞夏主明昇遣使來聘命叅知政事蔡哲往報之哲挾畫工同往圖其山川險易以獻上覽而嘉之遂爲取道伐蜀之張本哲武昌人始仕陳友諒爲御史弃之來歸

七月平章楚國公廖永安卒于姑蘇上親爲文祭之辭極哀痛仍塑像祭于功臣廟

八月拓建康城

建康舊城北據大江東盡白下門外距鍾山既闊遠而舊內在城中因元南臺爲宮稍庳隘上通命劉基等卜地定作新宮于鍾山之陽在舊城東白下門之外二里許增築新城東北盡鍾山之趾延亘周圍凡五十餘里規制雄壯盡據山川之勝上初建都金陵時劉伯溫相地蔡前湖爲正殿基業已植椿水中上嫌其逼少徙于後伯溫見之問曰誰移此者上曰我也誠意默然徐曰如此亦好但後世不免遷都之舉

淮東諸郡旣平遂謀討張士誠召中書省及大都督府臣謂曰張士誠據如蘇數侵擾吾近地爲吾境內之寇不可不討諸公其熟計之李善長以爲未可獨徐達進曰張氏驕橫暴殄奢侈天亡之時也其所任驕將如李



一國政刑  
較如肩列

張士誠

伯升呂珍之徒皆齷齪不足數。惟擁兵將爲富貴之娛耳。其居中用事者黃葉蔡三參軍輩。迂濶書生。不知大計。臣奉 上威德。率精銳之師。聲罪致討。三吳可計日而定。太祖喜。顧達曰。諸人局于所見。獨汝合吾意。事必濟矣。于是命諸將簡閱士卒。擇日啓行。○庚戌以伐張士誠。祭告大江之神。辛亥命中書左相國徐達爲大將軍。平章常遇春爲副將軍。帥師二十萬伐張士誠。上御戟門。集諸將諭之曰。自大亂以來。豪傑並起。所在割據。稱名號者。不可勝數。江南羣雄。西有陳友諒。東有張士誠。皆連地千里。擁衆數十萬。今介乎二人之間。

相與抗者十餘年。視二人所爲。其志豈在于民。不過貪富貴。聚淵藪。劫奪寇攘而已。友諒敗滅。獨士誠據有浙西北。連兩淮。恃其強力。數侵我之疆場。願諸將連歲征討。克取兩淮之地。今惟浙西姑蘇諸郡未下。故令卿等討之。卿等宜戒飭士卒。毋肆掠掠。毋妄殺殺。毋發丘隴。毋毀廬舍。聞張士誠。毋葬姑蘇城外。慎勿侵毀其墓。汝等毋忘吾言。諸將帥務在輯睦。勿縱左右。欺凌軍士。凡爲將之功。必資士卒。善撫恤之。大抵克敵者。必以成功爲效。樹德者。必以廣恩爲務。卿等勉之。諸將再拜受命。將發。上問諸將曰。爾等此行。用師孰先。遇春對曰。逐

慮已定  
線不走

以得清

梟者必覆其巢。去鼠者必薰其穴。此行當直擣姑蘇。姑蘇既破。諸郡可不勞而下。上曰。不然。士誠起鹽販。與張天驥。潘原明等皆強梗之徒。相爲手足。士誠苟至窮。蹙天驥輩懼俱斃。必併力救之。今不先分其勢。而遽攻姑蘇。若天驥出湖州。原明出杭州。援兵四合。難以取勝。莫若出兵先攻湖州。使其疲于奔命。羽翼既披。然後移兵姑蘇取之。○徐達等師至太湖。遇僞萬戶尹義石清等迎戰。破擒之。

九月取德清。擒其院判鍾正直。趨湖州之青山。與敵兵水陸鏖戰。敵兵大潰。遂抵城下。塞其四門。晝夜環攻之。

偽丞相張士信悉發境中兵爲援屯于舊館出我師之背常遇春統奇兵由大全港入結營東阡復出敵背且填塞溝港絕其歸路士誠事急遣平章徐義統赤龍船親軍來援薛顯率舟師直前奮擊燒其船大敗其五太子及呂珍朱暹等以舊館降得兵六萬人五太子士誠卷于短小精悍能平地躍起丈餘珍暹善戰至是皆降士誠大失所倚以呂珍等殉于湖州城下守將李伯昇及左丞張天騏舉城降○華雲龍率兵攻嘉興克之命李文忠總水陸師下浙江文忠遣指揮朱亮祖耿天璧攻桐廬偽將戴元帥出降復遣指揮袁洪孫虎克富

彼有所托  
而眾降此  
延入卧而  
款接一以  
誠安

皇明史傳卷三  
陽擒其同僉李天祿遂合兵攻餘杭守將謝五等全城  
歸順杭州守將僞平章潘原明遣員外方彝詣軍門納  
降文忠曰師未及城而員外遠來得無以計緩我乎彝  
曰大人奉命伐叛所過秋毫無犯杭雖孤城生齒百萬  
擇所託而來尚安有他意乎文忠見其誠引入臥內款  
笑款接命條畫入城次第翌日遣歸原明遂封府庫籍  
軍馬錢糧及執苗將蔣英劉震出降文忠入宿于城下  
今日敢有擅入民居者斬有一卒下借民釜即櫟以殉  
由是內外帖然民不知有更革事凡得兵三萬糧二十  
萬石上以原明全城歸降民不受鋒鉤仍授浙江行

戰事

取太倉州  
崑山等縣  
及松江皆  
降

省平章命懸胡大海畫像刺將英劉寢心血以祭之  
李文忠復進攻紹興路克之○平章俞通海分兵取太  
倉州民獻羊酒香花迎降滿道通海却其獻慰諭之約  
束軍士秋毫無犯民大悅偽帥陳仁等率大船百餘艘  
來降崑山及崇明嘉定聞風皆降松江路守將朱顯忠  
聞之亦降

韓林兒殂

十一月宋主小明王韓林兒殂

小明王初為劉福通等所立都于亳自亳徙安豐自  
安豐徙都汴梁兵敗後走安豐安豐沒于張士誠乃  
入建康上及諸將欲奉之劉基不可而止至是卒○  
韓林兒之立也太祖為吳王時允用人行政見于  
牒文稱龍鳳年號則曰皇帝聖旨吳王令旨上下  
施行率以為常遲遲二年及其既殂乃始稱吳元年

管建以朴  
陋為制獨  
源治亂之  
源

建明食丹

小明王既歿。上與羣臣定議。以明年為吳元年。立宗廟。社稷。建宮闕。具營繕者。以宮室圖進。上見其有雕琢奇麗者。即命去之。謂中書省臣曰。昔堯之時。茅茨土階。采椽不斲。可謂極陋。然千古之上。稱盛德。必以堯為晉後世。競為奢侈。極宮室。苑囿之娛。窮興馬珠玉之玩。欲心一縱。亂由是起。吾嘗謂珠玉非寶。節儉是寶。宮室但取完固而已。何必極雕巧。以殫天下之力也。既而新殿成。制皆朴素。命博士熊鼎類編古人行事。可為鑒戒者。書于殿壁。又命侍臣書大學衍義于兩廡壁間。曰。前代宮室多施繪畫。今書此以儆朝夕。觀覽豈不愈于丹青。

范為置度  
井井有條  
制禮作樂  
煥然文治  
之光

發端便妙

青乎時有言端州出文石可以甃地者上曰爾不以  
節儉之道事予乃導予以侈麗但構為宮室已覺作者  
之勞况遠取文石能不厲民乎言者大慚而退尋命協  
律郎冷謙考正宗廟雅樂音律及鍾磬等器并定樂舞  
之制

丁未

吳元年○元至  
正二十七年

正月

上遣使以書遺元擴廓帖

木兒先是使臣汪河等為擴廓所拘留上屢以書諭

責之不報至是復與之書曰予自起義以來拓地江右

閣下之先以興復為名提兵河北相去各天一涯繼聞

令先王去世閣下克成其功且以尹煥章齋書致禮跋



使據席能  
絕此書內  
和諸諸位  
莊陽交亦  
可分爲兩  
此皆平取  
而莫恨也

戰而來使予踴躍興起用遣汪河致禮同往爲歿者弔  
爲生者慶初非無故也今汪河去而不還予請以古人  
之事言之昔春秋之世諸侯分治朝聘以時未嘗執其  
使者齊桓公伐楚楚使行人來聘師乃次于陘亦未嘗  
詰其使者古人豈不思一介之使不過將誠道意所拘  
者小所失者大也況閣下控守地非不遠兵非不多所  
慮者張思道操劔于潼關李思齊抗衡于秦隴俞寶之  
兵蓄變于肘腋王信之衆生變于近郊恐閣下自以功  
成遂安如泰山置之不問坐使諸雄連結禍機一發首  
尾莫收此深爲閣下惜所以數四遣人奉書瀆聽者是

恭讀此書  
爲勸解語  
者甚思惜  
乎其發而  
不悟也

子欲盡一得之愚于閣下閣下何爲自矜倘卽遣能使  
刻日將命以汪河錢禎等還豈惟不失前盟亦可取信  
于天下如其不然是又問我南方之兵端爲彼後日之  
戰禍閣下其審思之毋貽後悔○指揮戴德率兵取沅  
州○命傳友德守徐州

二月元擴廓帖木兒遣其驍將左丞李貳來寇兵駐陵  
子村友德堅壁俟其出掠乃將步騎三千餘泝舟至呂  
梁捨舟登陸擊之李貳遣裨將韓乙盛兵迎戰友德卽  
躍馬奮刺韓乙墜馬敗去友德度李貳必益兵來聞趨  
還城開門出兵陣于城外令士卒皆臥鎗以待聞鼓聲

免租稅一  
野張氏未  
論南北未  
一即以禮  
租恤民為  
務真主規  
教自別

即起擊有頃李貳果率眾至友德令鳴鼓我師皆奮起  
衝其前鋒李貳眾大潰溺死者無算遂生擒李貳獲其  
將士擢友德江淮行省叅知政事○命免太平應天鎮  
江諸郡租賦有差上謂中書省臣曰予嘗親歷田墅見  
人民凋弊土地荒蕪失業者多蓋因久困兵革生息未  
遂譬之燭熱者思得清涼冒寒者思就溫煖為人上者  
固當念之且如太平應天諸郡乃吾渡江開創之地供  
億先勞之民其有租賦宜與量免少甦民力省臣傳獻  
對曰恤民王者之善政主上念之及此真發政施仁之  
本也上因歎曰吾昔在軍中嘗乏糧空腹出戰歸得

難謂手書  
見君臣交  
盡其心所  
以成功之  
易也

一食雖其粗糲食之甚甘。今望民上飲食豐美。心未  
嘗忘。况吾民居于田野。所業有限。而又供需百出。豈不  
重困。于是免太平府租賦二年。應天鎮江等處租賦一  
年。○大軍圍姑蘇。久不下。徐達遣人自軍中請事。上  
勞以手書曰。古者帝王之興。必有命世之士。以爲之輔  
佐。成周伐罪。應揚奮興。炎漢仗義。羣策畢舉。所以克集  
太勲。肇啓隆祚者也。將軍自昔相從。忠義出于天性。然  
且沉毅有謀。端重有武。故能遏絕亂畧。消靡羣慝。建無  
前之功。雖古豪傑之士。不能過也。今所請事。多可便宜  
行者。而識慮周詳。不肯這次有違。誠社稷之慶。邦家之

不望財不  
中制命將  
之道如是

先文武科

二者不可  
偏廢

福然將在外。君不御。乃古道也。自後軍中緩急。將軍便  
宜行之。

三月定文武科取士之法。先是令有司每歲舉賢才。及  
武勇謀畧通曉天文之士。有兼通書律廉吏。亦得薦舉。  
得賢者賞。濫舉及蔽賢者罰。至是乃下令曰。上世帝王  
創業之際。用武以安天下。守成之時。講武以威天下。至  
于經綸撫治。則在文臣。二者不可偏廢也。古者人生八  
歲。學禮樂射御書數之文。十五學修身治國齊家。平天  
下之道。是以周官選舉之制曰。六德六行六藝。文武兼  
用。賢能並舉。此三代治化所以隆盛也。茲欲上稽古制。

爲政敦尚  
實效此  
太祖誠意  
之治

俞通海卒

設文武二科以廣求天下之賢其應文舉者察之言行以觀其德考之經術以觀其業試之書算以觀其能策以經史時務以觀其政事應武舉者先之以謀畧次之以武藝俱求實效不尙虛文然此二者必三年有成有司預爲勸諭民間秀士及智勇之人以時勉學俟開舉之歲克貢京師其科目等第各出身有差○徐達檄俞通海兵討張士誠通海于滅渡橋戰敗賊寇提兵桃花塢蕩其營中流矢創甚還京師上幸其第見其病革顧謂曰平章知予來問疾乎通海不能語遂揮淚而出明日通海卒年三十八車駕復臨幸哭之慟從官衛士

聖祖痛念  
二親可為  
慚老

莫能仰視、

俞通漢後進封豫國公改封魏國公  
配享太廟弟通源通淵亦皆封侯

四月 仁祖忌日時上詣廟祭畢退御便殿泣下不止  
已而謂起居注詹同等曰往者吾父以是月六日亡兄  
以九日亡母以二十二日亡一月之間三喪相繼人生  
值此其何以堪終天之痛念之罔極愈嗚咽不勝左右  
皆泣不能仰視。

五月初置翰林院以陶安為學士朱升為侍講學士並  
知制誥兼修國史

六月久不雨 上日減膳素食謂近臣吳去病等曰予

疾疫折雨

以天旱故率諸宮中皆素食。使知民力艱難。往時宮中所需蔬茹醢醬皆出大官供。給今皆以內官爲之。惧其煩擾于民也。旣而大雨。羣臣請復膳。上曰。亢旱爲災。

實吾不德所致。今雖得雨。然苗稼焦損必多。縱食奚能甘味。得乎民心。則得乎天心。今欲弭天災。但當謹于修已。誠于愛民。庶可答天之眷。乃下令免民今年田租。

相國李善長率諸臣勸上卽皇帝位。上不許。善長

等力請曰。殿下起濠梁。不階尺土。遂成大業。四方羣雄

剗削殆盡。遠近莫不歸心。誠見天命所在。願早進位號。

以慰臣民之望。上曰。我功未服于天下。德未孚于人。

高祖謀讓  
若此以證  
高祖素誠  
項然復稱  
帝者無異



心一統之勢未成。四方之塗尚梗。若稱大號。未愜輿情。自古帝王之有天下。知天命之有歸。察人心之無外。猶且謙讓未遑。以俟有德。常笑陳友諒初得一隅。妄自稱尊。志驕氣盈。卒致亡滅。遺譏于後。吾豈得更自蹈之。若天命在我。固自有時。無庸汲汲也。○中書察議李飲米。楊希聖弄權。不由執政。李善長劾奏之。上命黜二人。西云姦狡百端。詭譎萬狀。○七月改禮儀。先是承元制。禮儀猶尚右。至是命百官禮儀俱尚左。

高汝栻曰。古者賓位皆在西。以東卑于西也。禮記曰。主人就東階。客就西階。後通謂左人為東。道王韓信。每與武王東向坐。而師尊之。又史記陳平。願以右丞相讓周勃。于是帝以勃為左丞相。位次第一。平為左

正與在德  
不在險之  
意合  
後世奉使  
者類以誇  
美爲能不  
知專對之  
職不在誇  
美也

丞相位次第二、古者得罪下遷者爲左遷故古人尚  
西尚右後世有陰道尚西之說通以來爲導而尚左云  
八月蜀明昇遣使來聘蜀使者自言其國東有瞿塘  
三峽之阻北有劍閣棧道之險古人謂一夫守之百人  
莫過而西控成都沃壤千里財利富饒實天府之國  
帝笑曰蜀人不以修德保民爲本而恃山川之險誇其  
富饒此豈自天而降耶使者退帝因語侍臣曰吾平  
日爲事只要務實不尚浮僞此人不能稱述其主之善  
而但誇其國險固失奉使之職矣吾嘗遣使四方戒其  
謹于言語勿爲誇大恐貽笑于人蓋以誠示人不可虛  
誕如蜀使者之謬妄當以爲戒也

○徐達既下湖州卽引兵向姑蘇至南潯張士誠元帥王勝降至吳江州圍其城叅政李福知州楊葵降徐達等兵至姑蘇城南鮎魚口擊張士誠將寶義走之康茂才至尹山橋遇士誠兵又擊敗之焚其官瀆戰船千餘艘及積聚甚衆達遂進兵圍其城達軍葑門常熟春軍虎丘郭子興軍婁門華雲龍軍胥門湯和軍閶門王弼軍盤門張溫軍西門康茂才軍北門耿炳文軍城東北仇成軍城西南何文輝軍城西北四面築長圍困之又架木塔與城中浮屠對築臺三層下瞰城中名曰敵樓每層施弓弩火銃于上又設襄陽鐵以擊之城震恐

茅城戰死

有楊茂者，無錫莫天祐部將也。善沒水，天祐潛令入姑蘇，與士誠相聞。邏卒獲之于婁門水柵旁，遂達軍。達釋而用之。時姑蘇城堅不可破，天祐又阻兵，無錫爲士誠聲援，達因縱茂出入往來，因得其彼此所遺蠟丸書，由是悉知士誠天祐虛實，而攻困之計益備。達時督兵攻婁門，士誠出兵拒戰，我武德衛指揮副使茅成戰歿。○命有司建廟社，置太常司。○方國珍既入貢，復陰泛海北通元，檣席帖木兒，南交陳友定。王師討姑蘇，國珍擁兵坐視，實假貢獻，觀勝敗爲叛服計。上以國珍反覆貽書數其十二過，國珍得書不報，復以書諭之，乃惧，爲泛

立太廟

姑蘇平張  
工誠死

海計。上命朱亮祖率兵討之。

太廟成。○我師圍姑蘇。上初不欲煩兵。但困服之耳。

久不下。上以書歸士。誠曰。湯放桀。武王伐紂。漢祖滅

秦。歷代帝王之興。兵勢相加。乃爲常事。當王莽之亡。隋

之失國。豪傑乘時蜂起。圖王業。據土地。及其定也。惟歸

于天命所在。豈容紛然。雖有智者。事業弗成。亦當革

心畏天。順民以全身。保族若漢之寶融。宋之錢俶。是也。

自古皆然。非今獨異。爾能順附。其福有餘。毋爲固守孤

城。危其兵民。自取敗亡。爲天下笑。士誠不報。士誠被圍

既久。欲突圍以戰。覘城左方。元陣嚴整。不敢化。欲掩襲

我軍轉至閫門將奔常遇春營遇春覺其至分兵北濠截其兵後遣兵與鬪戰良久未決士誠復遣密政黃哈喇八都等兵千餘人助之又自出兵山塘爲援山塘路狹塞不可進麾令稍却遇春撫王弼背曰軍中皆稱爾爲猛將能爲我取此乎弼應曰諾卽馳鐵騎揮雙刀往擊之敵衆稍却遇春因率衆乘之士誠兵大敗人馬溺灰沙盈潭甚衆士誠馬驚墮水幾不收肩輿入城計忽忽無所出時降將李伯昇知士誠勢迫欲說令歸命乃遣客詣士誠門告急士誠召之入曰爾欲何言客曰吾爲公言興亡禍福之計願公安意聽之士誠曰何如客

以天數終  
端立意甚  
卓

曰公知天數乎。昔項羽暗鳴叱咤百戰百勝卒敗垓下。天下歸于漢祖。何則。此天數也。公初以十八人入高郵。元兵百萬圍之。此時如虎落奔中。死在朝夕。一旦元兵潰亂。公遂提孤軍乘勝攻擊。東據三吳。有地千里。甲士數十萬。南面稱孤。此項羽之勢也。誠能于此時不忘高郵之危。苦心勞志。收召豪傑。度其才能。任以職事。撫人民。練兵旅。御將帥。有功者賞。敗軍者戮。使號令嚴明。百姓樂附。非特可保三吳。天下可取也。士誠曰。足下此時不言。今復何及。客語曰。吾此時雖有言。亦不得聞也。何則。公之子弟將帥親戚羅列中外。美衣玉食。歌妓舞女。

日夕酣宴。身衣天下至美。口甘天下至味。猶未厭足。提  
兵者。自以爲韓白。謀畫者。自以爲蕭曹。傲然視天下。不  
復有人。當此之時。公深居于內。敗一軍。不知失一地。不  
聞縱知。亦不問。故淪至今日。士誠曰。吾亦甚恨無及。然  
則今當何如。客曰。吾有一策。恐公不能從也。士誠曰。不  
過成耳。客曰。使成有益于國家。有利于子孫。成固當不  
然。徒自苦耳。且公不聞陳友諒乎。踰有荆楚兵甲百萬。  
與江右之兵戰于姑孰。鏖于鄱陽。陳友諒舉火欲燒江  
右之船。天乃反風而焚之。友諒兵敗身喪。何則。天命所  
在。人力無如之何。且今攻我益急。公恃湖州援。湖州失。



客亦善說  
言言金石

非狐疑也  
惴惴如故  
耳

嘉興援嘉興失杭州援杭州又失今獨守此尺寸之地  
誓以死拒然竊慮勢極患生猝有變從中起者公此時  
欲死不得生無所歸故竊以爲莫如順天之命自求多  
福令一介之使疾走金陵稱公所以歸義放民之意公  
開城門幅巾待命亦不失爲萬戶侯况嘗許以寶融錢  
俸故事耶且公之地譬如博者得人之物而復失之何  
損士誠仰首沉慮良久曰足下且休待吾熟思之然卒  
狐疑莫能決也士誠復率兵突出胥門索戰鋒甚銳遇  
春禦之兵稍却士誠弟士信方在城樓上督戰忽大呼  
曰軍士疲矣且止且止遂鳴金收軍遇春因乘勢奮擊

勢窮力竭  
矣猶皆城  
百戰

大破之。追至城下。攻之益急。復築壘迫其城。自是士誠  
不復得出矣。士信張幟城上。踞銀椅。與叅政謝節等會  
食。左右方進桃。未及嘗。忽飛礮碎其首而死。時城圍既  
久。熊天瑞教城中作嚴礮。以擊我師。多所中傷。城中木  
石俱盡。至拆祠廟民居爲礮具。徐達令軍中架木若屋  
狀。承以竹篋。軍伏其下。載以攻城。矢石不得傷。至是達  
督將士破葑門。常遇春亦破閭門新寨。遂率衆渡橋。進  
薄城下。其樞密唐傑登城拒戰。士誠駐軍門內。令叅政  
謝節、周仁立柵以補外城。傑知不能敵。投兵降。周仁、徐  
義潘、元紹及錢叅政皆降。晡時士誠軍大潰。諸將遂蟻

劉氏可謂  
有志節矣  
然平日未  
聞有一言  
相親何也

附登城城已破士誠猶使副樞劉毅收餘兵尚二三萬  
親率之戰于萬壽寺東街復敗劉毅降士誠倉惶歸從  
者僅數騎初士誠見兵敗謂其妻劉氏曰我敗且死矣  
若曹何爲劉氏曰君勿憂妾必不負君乃積薪齊雲樓  
下及城破驅其羣妾侍女登樓趣其自盡令養子辰保  
縱火焚之劉氏遂自縊歿士誠獨坐室中左右皆散走  
達遣士誠舊將李伯昇至士誠所諭意時日已暮士誠  
距戶經伯昇決戶令降將趙世雄抱解之氣未絕復蘇  
達又令潘元紹以理曉之反覆數四士誠瞑目不言乃  
以舊盾昇之出葑門途中易以戶扉昇至舟中凡獲其

與天祐降  
取無錫

取台州  
州治處

官屬平章李行素等所部將校官吏家屬凡二十餘萬皆送建康士誠在舟中閉目不食至龍江堅不肯起昇至中書省相國李善長問之不語已而士誠言不遜善長怒罵之帝欲全士誠而士誠竟自縊歿賜棺以葬之○姑蘇捷至無錫莫天祐以城降初天祐附張士誠大將軍徐達累遣使諭降天祐俱殺之至是胡廷瑞等率兵攻其城州人張翼知事急率父老往見天祐曰吾民不見天日十二年張氏已就縛固守將誰爲况未必能守一城生民存亡皆在今夕願熟思之至是降

朱亮祖師至天台縣尹湯盤以城降亮祖進攻台州方

國瑛出兵拒戰我師擊敗之指揮嚴德戰歿初國瑛聞主師至卽欲遁去會其都事馬克讓自慶元還言國珍方治兵爲城守計勸國瑛勿去國瑛始約束將士乘城拒守然士卒懷惧往往有逃潰者我師攻之急國瑛度力不能禦以巨艦載妻子夜出興善門走黃岩亮祖入城遂下仙居諸縣進兵溫州陣于城南七里方國珍之子明善將兵拒戰我師敗之追至城下分兵攻其四門明善遂挈妻子遁去亮祖入城撫諭其民分兵瑞安守將同僉喻伯通降○張士誠既平叅知政事張昶欲亂政使人上書稱頌功德謂羣雄既平宜及時爲娛樂上

君臣相遇  
成大功

以示劉基。基曰：是欲爲趙高也。上頷之。旣而昶陰事覺，命都督馮勝等鞠之，獲實，昶伏誅。

十月，上謂給事中吳去疾等曰：吾以布衣起兵，與李相國等皆鄉里所居相近，遠者不過百里，君臣相遇遂成大功，良非偶然。今掃除羣雄，撫有江南，每中夜思之，中原未平，正焦勞之日，豈能坐守一方而忘遠慮乎？○命開浙江等處行中書省于杭州府，陞右丞李文忠知平章事。○改李善長爲左相國，徐達爲右相國。○上將命諸將北伐，謂信國公徐達曰：自元失其政，君昏臣悖，兵戈四興，民遂塗炭，予與諸公仗義而起，初爲保身。

極詳見書

之謀。冀有奠安生民者出。豈意大難不解。爲衆所附。迺率衆渡江。與羣雄相角逐。削平陳友諒。滅張士誠。闔廣之地。將以次而定。尚念中原撥亂。人民離散。山東則有王宣父子。徇偷鼠竊。反側不常。河南則有王保保。名雖尊元。實則跋扈。擅爵專賦。上疑下叛。關隴則有李思齊。張思道。彼此猜忌。勢不兩定。且與王保保互相嫌隙。元之將亡。其機在此。今欲命諸公北伐。計將何如。常遇春對曰。今南方已定。兵力有餘。直搗元都。以我百萬之師。敵彼人逆之卒。挺竿而可以勝也。都城既克。有破竹之勢。乘勝長驅。隨皆建瓴而下矣。上曰。元建都百年。城

守必固。若如卿言。懸師深入。不能卽破。頓于堅城之下。餽餉不繼。援兵四集。進不得戰。退無羽翼。拔潼關而守之。據其戶檻。天下形勢入我掌握。然後進兵元都。則彼勢孤援絕。不戰可克。旣克其都。鼓行而西。雲中九原。以及闕隴。可席卷而下。諸將皆曰善。上顧徐達曰。兵法以廟筭勝者。得筭多也。卿其識之。于是命徐達爲征虜大將軍。常遇春爲征虜副將軍。率甲士二十五萬。由長淮。大河北。取中原。胡廷瑞爲征南將軍。何文徽爲副將軍。率吉安寧國南昌袁顥徐和無爲等衛軍。由江西取福建湖廣。平章楊璟左丞周德興叅政張彬率武曲荆



命將出師  
獨舉其要

惟君知臣

州○襄○陽○常○德○潭○嶽○衡○澧○等○衛○軍○取○廣○西○召○諸○將○諭○之○曰○  
征○伐○所○以○奉○天○命○平○禍○亂○安○生○民○故○命○將○出○師○必○在○得○  
人○今○諸○將○非○不○健○闘○然○能○持○重○師○有○紀○律○戰○勝○攻○取○得○  
爲○將○之○體○者○莫○如○大○將○軍○徐○達○當○百○萬○之○衆○勇○敢○先○登○  
摧○鋒○陷○陣○所○向○披○靡○莫○如○副○將○軍○常○遇○春○然○吾○不○患○遇○  
春○不○能○戰○但○患○其○輕○敵○耳○吾○前○在○武○昌○親○見○遇○春○親○遇○  
數○騎○戰○卽○輕○身○赴○之○彼○陳○氏○如○張○定○邊○者○何○足○稱○數○尚○  
據○城○指○揮○遇○春○爲○大○將○軍○顧○與○小○校○爭○能○甚○非○所○望○切○  
宜○戒○之○若○臨○大○敵○遇○春○雖○領○前○鋒○或○敵○勢○强○則○遇○春○與○  
參○將○馮○宗○異○分○爲○左○右○翼○各○將○精○銳○以○擊○之○左○丞○薛○顯○

論諸將用  
兵之道進  
取之方如  
不經意而  
山之真是  
天縱之聖

叅政傅友德皆勇冠諸軍可各領一軍使當一面或有  
孤城小敵但遣一將有膽畧者付以總制之權皆可成  
功達則專主中軍策勵羣帥運籌決勝不可輕動古云  
將在軍君不御者勝汝等其識之又謂達曰閩外之事  
汝實任之茲行必自山東次第進取山西古云十二山  
河之地師行之際須嚴部伍明分數一衆心審進退之  
機適通變之宜使戰必勝攻必取我虛而彼實則避之  
我實而彼虛則擊之將者三軍之司命立威者勝任勢  
者强威立則士用命勢重則敵不敢犯吾嘗與諸豪傑  
並驅觀其取敗者未有不由威不立而勢輕也汝其慎

之論友德曰此行汝當努力昔漢高祖與項羽爭衡彭越宣力于山東今用師自山東始汝其勉之諭廷瑞曰汝以陳氏丞相來歸事吾數年忠實無過故命汝總兵往取福建何文輝爲爾之副湖廣叅政戴德從汝調發二人皆吾親近之人勿以此故廢軍政凡號令征戰一以軍法從事吾昔微時在行伍中見將帥統御無法心竊鄙之及後握兵權所領一軍皆新附之士一日驅之野戰有二人犯令卽斬以徇衆皆股慄莫敢違吾節度人能立志何事不可爲聞汝往年嘗攻閩中必深知其地里險易今總大軍進征凡攻圍城邑必擇便利可否

上諭各將  
詞極嚴正  
旨深痛快

數元罪過  
字著朕

爲之進退無失機宜克定之功全賴于汝于是達等拜  
命辭出○上旣諭遣詣將征伐復馳檄諭齊魯河洛燕  
薊秦晉之人曰古帝王臨御天下中國居內以制夷狄  
夷狄居外以奉中國未聞以夷狄居中國治天下者也  
自宋祚傾移元以北狄入主中國四海內外罔不臣服  
此豈人力實乃天授然達人志士尚有冠履倒置之歎  
自是以後元之臣子不遵祖訓廢壞綱常有如大德廢  
長立幼泰定以臣弑君天曆以弟疏兄至于弟取兄妻  
子烝父妾上下相習恬不爲怪其于父子君臣夫婦長  
幼之倫瀆亂甚矣夫人君者斯民之宗王朝廷者天下

之根本禮義者。御世之大防。其所爲如彼。豈可爲訓于天下後世哉。及後嗣沈荒失君臣之道。又加以宰相專權。憲臺報怨有司。毒虐于是人心離叛。天下兵起。使我中國之民。死者肝腦塗地。生者骨肉不相保。雖因人事所致。實天厭夷德而棄之之時也。古云。胡虜無百年之運。驗之今日。信乎不謬。當此之時。天運循環。中原氣盛。億兆之中。當降生聖人。驅逐胡虜。恢復中華。立綱陳紀。收濟斯民。今一紀于茲。未聞有濟世安民者。徒使爾等戰戰兢兢。處于朝秦暮楚之地。誠可矜憫。方今河洛關陝。雖有數雄。忘中國祖宗之姓。反就胡虜禽獸之名。以

說者謂此  
編歷代各  
各說首無  
言

爲美稱假元號以濟私。恃有衆以嬰君。阻兵據險。互相吞噬。反爲生民之巨害。皆非華夏之主也。予本淮右布衣。因天下亂。爲衆所推。率師渡江。居金陵形勝之地。今十有三年。西抵巴蜀。東連滄海。南控閩越。漢沔湖湘。兩淮徐邳。皆入版圖。奄及南方。盡爲我有。民稍安食稍足。兵稍精。控弦執矢。自視我中原之民。久無所主。深用疚心。予奉天承命。罔敢自安。方欲遣兵。逐羣虜。拯生民于塗炭。復漢官之威儀。慮民人未知。反爲我讐。挈家北走。陷溺尤深。故先諭告。兵至民人勿避。吾號令嚴肅。無秋毫之犯。歸我者。永安于中華。背我者。自竄于塞外。蓋我

得天意順  
天心

統是一體  
無外

定律令頒  
唐

中國之人天必命中國之人以安之。夷狄何得而治哉。  
爾民其體之。如蒙古色目。雖非華夏族類。然同生天地  
之間。有能知禮義。願為臣民者。與中夏之人撫養無異。  
○十一月命中書省詳定律令。頒戊申曆。先是上以  
唐宋以來皆有成律。斷獄惟元不做古制。取一時頒行  
之事為條格。胥吏易為姦弊。自平武昌以來。即議定律  
至是臺諫已立。各道按察司將巡歷郡。欲頒示成法。俾  
內外遵守。乃命左相國李善長。叅知政事傅獻楊憲。太  
史令劉基。翰林學士陶安等。同詳定律令。論之曰。立法  
貴在簡當。使人易曉。若條緒繁多。或一事而兩端。可輕

事則從簡  
理則歸常  
千古不易  
之論

可重。姦貪之吏，得以夤緣爲姦。則所以禁殘暴者，反以  
賊良善，非良法也。卿等宜盡心參究刑名條目，逐日來  
上。吾與卿等面議斟酌之，庶可以爲久遠之法。旣而劉  
基及太史院屬高翼，以所定戊申曆來進。上遂命頒  
行之。○時方國珍遁入海島，上復命廖永忠爲征南  
副將軍，率師自海道會湯和等兵討之。其部將多來降，  
諸郡縣相繼皆下。國珍惶惑失措，和等復遣人招諭之。  
國珍乃遣子明善奉表乞降。上始怒其反覆，及覽表憐  
之，乃賜書曰：昔汝外示歸誠，中懷詭詐。吾姑容之，待汝  
自效。豈汝行小智，愈肆奸宄，竟背前盟，致勞我師。汝尚



不卽自稽首歸命。逃于海上。猶觀望成敗。今勢窮來歸。詞甚哀懇。吾當以此誠爲誠。不以前過爲過。汝勿自疑。率衆來歸。悉從原有國。珍親率其昆弟子姪。并所部將士。待罪軍門。湯和送赴京師。入見。上曰。汝獻款已久。何爲反側。復勞征伐。國珍頓首曰。臣遭時多艱。逃死海上。終期歸附聖明。以全首領。不意又勞王師。此非出臣心。實羣小所誤。是。以至此。惟陛下哀其愚。特赦其死。上曰。草昧之時。英雄角逐。人孰不欲有爲。亦誰能諱帝王之有真者。其爲去就。安能無所齟齬。爾之所爲。亦何足責。朕推赤心待汝。汝其自安。勿用懷疑。國珍頓首謝。

之官務  
除良有

以沂州諸

以爲廣西行省左丞不之官食祿居京師

十一月徐達克沂州初楊州興化人王宣元末爲司農  
榷會黃河決元以宣爲淮南淮北都元帥府都事齋楮  
幣募丁夫統領治河功成命爲招討使率丁夫從也速  
復徐州授淮南淮北義兵都元帥移鎮山東益都田豐  
兵侵益都宣子信從察罕帖木兒破田豐復令宣與信  
還鎮沂州宣權勢日重因乘隙收掠山東遂竊據沂州  
至是徐達師至淮安遣人往沂州以書諭王宣父子使  
來降王信得書乃遣使納款且奏賀平張士誠帝  
遣徐唐臣李侍儀等往沂州授信爲榮祿大夫江淮行

中書省平章政事令以兵從大將軍征討信與其父陰持兩端內實修備外佯請降帝知之乃遣人密諭徐達曰王信父子反覆不可遽信宜勒兵趨沂州以觀其變如王信父子開門納款即分兩衛軍守其地王信父子及部將各同家屬遣至淮安若益都濟寧濟南俱下各令信軍五千及我軍萬人守之其中軍馬分調于徐邳各州守城然後發遣其家屬與居惟士兵勿遣分調之後仍選其馬步精銳者從大軍北伐苟閉門拒守卽攻之唐臣等至沂州宣意不欲從征乃令其子信密往莒密等州募兵爲備禦計而遣其員外郎王仲剛及信

妻父老馮等詐來犒師以緩我軍大將軍徐達受而遣之王仲剛等既還宜卽以兵夜劫徐唐臣等欲殺之衆亂唐臣得脫走達軍達聞之卽日率師徑抵沂州營于北門達猶欲降之使遣梁鎮撫往說宣宣使其郎中常某出見梁于西門梁謂之曰我卽張氏義子蚤降故得至今日王平章不降何待常歸語宣宣使迎梁入謂曰吾降吾降梁既還報達宣復閉門拒守達怒遂進攻分兵營其南門都督馮宗異令軍士開壩放水明日達督軍急攻其城宣待信募兵未還自度不能支乃開西門出降達令宣爲書遣鎮撫孫惟德招降信信不從殺孫

王宣之反  
獲乃自取  
其禍也故  
曰自作孽  
不可活

東平東阿  
諸路平

鎮撫與其兄仁走山西于是嶧州右丞趙蠻子莒州周  
麟海州馬驪及沐陽日照賴榆諸縣并隨信將士皆相  
繼來降遂以宣反覆并怒其子殺孫鎮撫遂執宣杖而  
戮之并戮王仲剛常郎中等命指揮韓溫守沂州徐達  
等既取嶧山青州進攻益都路宣慰使普顏不花捍城  
力戰不能支城陷普顏不花歿之平章保保降

十二月我師至東平元平章馬德棄城遁至東阿叅政  
陳璧以所部五萬餘人降又取萊州取濟寧元將平章  
陳秉直出走兗州以東鄒縣相繼降附又取濟寧胡廷  
瑞等師度三關畧光澤縣下之進攻邵武元守將李宗

部武建陽  
諸縣平

如稼穡之  
聚難則知  
小人之依  
周公以此  
訓成王  
聖王昭令  
其心法

茂以城降至建陽其守將曹俊時等降上後命湯和  
等由海道進取福建和偕廖永忠吳禎等自明州卽寧  
嚴程乘風進舟不數日奄至城下圍其西南水部三門  
一鼓克之守臣曲出遁○國○丘○成○上○出○觀○時○世○子○從○行○  
上因命左右導之徧歷農家觀其居處飲食器用還  
謂之曰汝知農之勞乎夫勞四體樹五穀身不離畝  
手不釋耒耜終歲勤動不得休息其所居不過茅茨草  
榻所服不過練裳布衣所飲食不過菜羹糲飯而國家  
經費皆其所出故令汝知之凡一居處服用之間必念  
農之勞取之有制用之有節使之不至于饑寒方盡爲

為上不可  
不體下情  
加言道錄

上○之○道○若○復○加○之○橫○歛○則○民○不○勝○其○苦○矣○故○為○民○上○者○  
不○可○不○體○下○情○是○月○癸丑李善長率文武羣臣奏表  
勸進上固却之明日善長等復請上曰此大事當  
斟酌禮儀而行不可草草越數日善長率禮官以卽位  
禮修進上允之